

UDUAK EDIFAK OWO

1 Peter 1:1-12

QYQH QKPEP-ŊKPQ 104

Eke Mkparawa

IKQ IBUOT: “Koro Abasi akamama ererimbot ntem, tutu Enye osio ikpōñ-ikpōñ Eyen emi Enye obonde ọnọ, man owo ekededi eke ọbuọtde idem ye Enye okutak, edi enyene nsinsi uwem” (John 3:16).

Mfọn Mma Owo Ke Eritōñ

Abasi okobot owo ete okpono onyūñ otoro Imọ. Enye ama anam ediye Iñwañ ọnọ owo ndidūñ ke esit, onyūñ ọnọ enye kpukpru ñkpọ eke enye okoyomde man enyene inemesit. Abasi ke idem esie ama esisuhọre edi ke mfut mbubreyo ndisaña ye mme owo emi Enye okobotde. Edi owo efen ama edi ñko. Satan ama oduk ke edinem inwañ oro onyūñ anam nditọ Abasi enam idiok-ñkpọ.

Satan, ini kiet ama oduñ ke Heaven nte archangel, edi enye ama atañ idem eti-eti onyūñ oyom ndida ñka-ñka ye Abasi; do enye ye mme nsaña esie emi ekedide ubak kiet ke itie ita ke otu mme angel emi ekedude ke Heaven, ke ekebin esio enyūñ enim nsinsi ufen enọ. Enye ikoyomke owo okpono onyūñ anam uyo Abasi, edi okoyom ndikọ ediwak owo nnọ idem esie; do enye okoyom usuñ nte edepde esit Adam ye Eve ndinyūñ nnam mmọ ewọñọre ekpōñ Abasi.

Ke mbiet urukikọt, Satan ama oduk ke iñwañ onyūñ ọdọhọ Eve ete ke mmọ idikpaha nte Abasi ọkọdọhọde, edieke mmọ ediade eto ifiok eti ye idiok. Edi utu ke oro, mmọ eyefiok ñkpọ nte Abasi. Nnyin ima ikpep ite ke unana erinim Ikọ Abasi ke akpanikọ edi oruñ kpukpru idiok-ñkpọ, ndien nnyin imekeme ndikut mi ite ke unana erinim ke akpanikọ Eve ke abaña se Abasi ama eketiñ ekedi ntak akpa ntut-utōñ. Adam ama akpañ utōñ ọnọ asua, ñko, ndien mmọ mbiba ema edia mfri eto emi Abasi akakpande mmọ. Oro ekedi akpatre inemesit mmọ. Ke ntak ntut-utōñ mmọ, ema ebin mmọ esioño esin ke ndobo ererimbot ndiyom usuñ mmọ, ñko, ebuana mmọ ye Abasi ama etre.

Idiok-ñkpọ Adam ye Eve ke ediōñ nte “idu.” Owo ama ọduọ oduk ke idiok-ñkpọ onyūñ ọduok uduot ye mfọn Abasi. Ñko koro Adam ye Eve ekenamde idiok, kpukpru owo emi emanade eduk ke ererimbot emana ye uduot idiok-ñkpọ ke idem mmọ emi anamde mmọ enam idiok-ñkpọ ke ini mmọ ema ekekpon ekem ndifiok eti ye idiok. Ndien ke ini enye anamde idiok, enye odot ndikpa, koro mbet Abasi ete “Ukpōñ eke anamde idiok eyekpa mkpa” (Ezekiel 18:4).

Mbọm Abasi

Edi Abasi okosuk amama Adam ye Eve. Idorenyin Esie ama okpu koro mmọ mikamaha Enye nte Enye okoyomde mmọ ema, edi Enye ama onyime ndifen nnọ mmọ edieke mmọ etuade mkpọfiok. Abasi ama enyene uduak ke abaña nte owo akpafiakde enyene mbiet ye mfọn Abasi. Ufọn iduhe eren, ñwan mme eyen-ọwọñ ndomo kiet ndibọ nsinsi ufen, koro Jesus ama edi ndifak uduot owo nnyūñ nnam enye asana nte enye eketiede mbemiso iduọ.

Ke ndo-ndo oro Abasi ama ekebin Adam ye Eve osio ke Iñwañ, Enye ama ọñwọñ ndidōñ Andifak emi edikande asua onyūñ ọnọ owo odudu ete “nyōñ okuo; kunam aba idiok-ñkpọ.” Akpa ntiñ nnim ikọ ke abaña Jesus odu ke Genesis 3:15, emi Abasi ọkọñwọñde ete ke Eyen eyemana emi edikọride ikpon edi andinyaña ererimbot. Enye ididighe ikpikpu eyen, edi edidi Eyen Abasi ke Idem Esie, emi edisuhọrede ididūñ ye mme owo onyūñ akpa ke itie mmọ man oto ke Iyip Esie emi ọduọhọde mmọ ekpenyene erinyaña.

Mbet Abasi nte ke “Ukpōñ eke anamde idiok eyekpa mkpa,” osuk adada; edi Jesus ama onyime ndikpa ke ibuoť nnyin. Jesus Eyen Abasi emi ediōñde nte andiye ñkan ke otu kpukpru Ñkpọ-uto Heaven, Enye Emi Abasi amade, ama onyime ndikpōñ ediye Iduñ Esie ndi ke isōñ ndibọ ufen nnyūñ mkpa man ekekem ke mbet Abasi, owo okunyūñ ọbọ ufen ke ntak idiok-ñkpọ esie. Koro Jesus ama akakpa nnyin imekeme ndinyene nsinsi uwem edieke itienede Enye ke editua mkpọfiok inyūñ ibeñede Enye ada Iyip Esie eyet ke esit nnyin.

Se Mkpa Qwọrọde Ke Ñkañ Abasi

Ndusuk afo emekere ete Adam ye Eve ikakpaha nte Abasi ọkọdọhọde ete ke mmọ eyekpa edieke etutde utōñ, koro mmọ ekesuk ekade iso edu uwem ke ema ekewọrọ ke Iñwañ. Nso ke Abasi okot mkpa? Ke Lazarus ama okodu ke idaha emi nnyin ikotde mkpa ke usen inañ. Jesus ete “Lazarus, ufan nnyin, ke ede” (John 11:11). Ñko ke Daniel 12:2 nnyin ikot: “Ndien ediwak mmọ emi edede idap ke ntan isōñ eyedemere: usuk eyedemere eduk ke nsinsi uwem, usuk ke but ye nsinsi esuene.” Nnyin idọhọ ite ke mmọ oro ema ekpaña edi Abasi okot oro-idap.

Ndien nso idi mkpa anam idiok-ñkpọ? Enye edi idaha eke enimde owo enọ nsinsi ufen edieke enye mikabakere esit. Jesus ama ọdọhọ mmọ oro ke itie usọrọ ete “Ini ke edi, onyūñ ededi ama, eke mme akpa-mkpa edikopde Uyo

Eyen Abasi, ndien mmọ emi ekopde eyedu uwem” (John 5:25). Enye eketiñ abañā mme odu uwem emi ekedide mme anam idiok-ñkpọ, Enye onyūñ okot mmọ mme akpañā mkpa. Paul ama ọdọhọ Timothy, “Edi ebe-akpa eke ọduode oduk ke mbre ama akpa ke eyo uwem” (1 Timothy 5:6).

Mme Ntiñ-Nnim Ikọ Jesus

Nnyin ima ikpep ke mme ukpep-ñkpọ nnyin ke abañā ukpono Abasi ke ataya ke akwa akai-ikọt, ete ke mme owo ema ekeme ndibọ erinyañā ke ata ediwak isua mbemiso Jesus edi, edieke mmọ ekeseke ini iso ke mbuotidem ke abañā eridi Esie. Kpukpru mme erọñ ye mme unam efen emi ekeeduokde iyip mmọ nte uwa ekeda enọ Jesus. Nditọ Israel ikpọñ ekekpep uduak Abasi eto mme anditiñ ntiñ-nnim ikọ koro mmọ ekedide ndimek ikọt Abasi. Abasi ama okot Abraham ete ọkpọñ obio emana Esie onyūñ adiañare ada nte asañā utom Andikoñ Nkan; ndien okoto ke ubon Esie, emi ke akpatre ekekabarede edi idut Mme Jew, ke Abasi ada ekpep ererimbot usuñ erinyañā.

Abraham ama ọfiok ete Jesus ke edi, koro Jesus ọkọdọhọ mme Scribe ye mme Pharisee ete, “Ete mbufo Abraham akadat esit ndikut eyo Mi; enye okokut onyūñ adat esit” (John 8:56). Job ñko, emi okodude uwem ke ukem ini emi Abraham okodude ama onim ete Jesus eyedi. Enye ama ewet “Ndien ami mmọfiok nte ke Andifak mi odu uwem; ndien ke akpatre enye eyedaha ada ke ntan isọñ” (Job 19:25). Kpukpru mme anditiñ ntiñ-nnim ikọ ema etiñ ebañā Jesus, nte Abasi akadade mmọ usuñ nditiñ. Ntak ukwọrọ-ikọ mmọ ekedi ndifoi mme owo ñwut Jesus, andinyañā kpukpru uduot owo eke ebuotde idem ye Enye.

Ifiok Mme angel Ke Abañā Jesus

Mme angel ke Heaven ñko ema efiok ete Jesus eyedi. Mmọ ema enyene udoñ ndikut ndibe ñkpọ nte Eyen Abasi ekemede ndikpa nnọ mme anam idiok-ñkpọ nnyūñ nnam mmọ edot ndiduk Heaven. Edi angel akasian Joseph ete ke Jesus edimana oto Mary. Angel oro ama ọdọhọ, “Enye eyenyañā ikọt Esie osio ke mme idiok-ñkpọ mmọ.” Ndien ke okoneyo oro Christ akamanade, udim mme angel ema ekwọ ke enyọñ, ke usin-udia ufene ke Bethlehem emi Jesus akanade. Mmọ ema efiok ete Jesus ama edi ke isọñ nte Eyen-erọñ Abasi, man edi uwa ke abañā idiok-ñkpọ, ndien mmọ ema enọ Enye ubọñ ke ntak ekọm urua emi Enye okonyimede ndikpe.

Mme Isuñ-Utom Satan

Ke ini mme owo ema ekekabare edi mme anam-idiok, mmọ ikeduhe aba ke idak ukara Abasi, edi ema ayak idem mmọ nte mme isuñ utom enọ andidiok. Satan esin ndiọi ekikere ye udoñ ke esit mmọ; ndien nnyin imokut ke idem ata ñkpri nditọ mme idiọñ iyaresit, ufup, usua ye nsọñ-ibuo. Nte mmọ ekoride ekpon, ntre ñko ke mme idiọñ emi ekori, ekpon ke ndusuk owo ekan ke mmọ eken, ndusuk ini onyūñ ada mme owo esin ke ọkpọsọñ afanikọñ nte inọ ye ediwo. owo.

Edi okposuk edi owo edinyenede ọkpọsọñ ido, edinyūñ ekemede ndifara idem ke mme idiok udoñ oro, mmọ esuk edodu tutu enye etiene Jesus oyom erinyañā. Baba owo kiet idikaha ke Heaven ke Iyip Jesus mikpuhokere uduot esie, inyūñ isioño mme idiok udoñ oro ifep. Owo iduhe emi ekemede ndisio uduot idiok-ñkpọ ke idem esie.

Obufa Esit

Owo iduhe eke ekemede nditiñ se itibede ke anam-idiok amanade obufa. Owo iduhe eke ekemede ndikut esit eke ema ekekpuhore. Ke ini Nicodemus andikara emi ekedide etiene Jesus ke okoneyo okobupde abañā akamba ukpuhore emi adade itie ke owo akabarede edi Anditiene Christ, Ọbọñ ama ada nte uwut-ñkpọ se ofim ekemede ndinam. Owo ekeme ndikut nte mme eto enyeñede ke ofim; enye ekeme ndikut mme ubom emi ofim eberide. Edi nte owo akananam okut ofim? Ke nnyin ikutde mbufut mmọñ ke enyọñ mmọñ, nnyin ifiok ite ọkpọsọñ ofim ke ofume edi nnyin ikemeke ndikut enye. Mme mfri erinyañā etie kpasuk ntre. Okposuk nnyin mikwe esit emi ema ekekpuhore, nnyin imekeme ndikut idara ke uwem mmọ emi mikesinyeneke idaresit. Nnyin imọfiok ite okposuk edi mmọ ekesisude nsu, ke mmọ idisuhu aba. Mmọ idiyipke inọ aba, mme ndiyat esit mme ndisua owo ekededi.

Obufa Obot

Ke ini owo etienede Jesus onyūñ ebeñede Enye ete efen ke mme idiok-ñkpọ esie, enye akabare “obufa owo” ke Christ Jesus, ndien enye ama Ọbọñ akan ñkpọ ekededi me owo ekededi ke ererimbot. Anditiene-Christ oyom ndinem Ọbọñ esit ñkan ñkpọ ekededi. Edi idighe ndiyoyom ndidu uwem emi ikpọñ, edi enọ owo odudu ke idak Iyip Jesus ndidu uwem nte Nwede Abasi etemede enye ndidu.

Odu mme owo emi etiñde ediwak ikọ ebañā edikpuhore mme anam-idiok. Mmọ efañā ete ekunọ mbon mkpọkọbi ufen; edi utu ke oro, akpana ewut mmọ nte ke odu eti usuñ ndidu uwem. Edi ekpri ibat owo edu uwem eke ọfonde ke ema ekewut mmọ ntem. Mmọ ekeme ndiyom nditre inọ ye ndinam ndiọi ñkpọ eken emi mmọ ekenamde, edi mmọ

ikemeke ndikpōn ke ukeme mmō. Edi Jesus ama oduk ke esit mmō, inaha enam idiok-ṅkpō aba. Efen kpukpru ṅkani idiok-ṅkpō mmō enyuñ eyet mmō efep, mmō inyuñ inamke mme mbufa idiok-ṅkpō.

Ndusuk owo ekere ete mme inō ye mme owot-owo ke ana nte enyaña, edi idighe mme imō, edieke mme imō mikenamke ṅkpō emi otimde ọdiok, mme imō iyomke enye. Edi Paul ewet “Koro kpukpru owo ema enam idiok-ṅkpō, enyuñ etaba ubōn Abasi” (Nwedi Mbon Rome 3:23). Iduhe owo eke edikemedede ndisim Heaven ke edinen ido idem esie, me enye ndibe nduk ke nti utom. Ana nte itiene Jesus, ibeñe Enye ofuk nnyin ke Iyip Esie man oto do enyaña ukpōn nnyin. Ndien ke ema ekenyaña ukpōn nnyin, ana imum ima Abasi ikama ke esit nnyin ke ediyak idem ye akam ke usen ke usen. “Baba owo kiet eke oduñde ke Enye inamke idiok-ṅkpō” (1 John 3:6). Baba owo kiet eke anamde idiok-ṅkpō ididukke ke Heaven.

Ufak

Edifak ọwọrọ edifiak ndep. Ke ima ikọduọ iduk ke idiok-ṅkpō, Jesus ama afiak edep nnyin; nnyin inyuñ ikot emi ufak. Ufak nnyin ọdọṅ ṅkpō akan erifen ke mme idiok-ṅkpō. Jesus akakpa ke ibuot nnyin, ndiyet mme idiok-ṅkpō nnyin; edi Enye ṅko ọkọduọk Iyip Esie ke abaña edinam nnyin isana,. (Mme Hebrew 13:12). Erikok nnyin ke ikpohidem ama esine ke ini Jesus akakpade: “Enye ke Idem Esie obiom mme idiok-ṅkpō nnyin ke ikpohidem Esie ke eto, man nnyin ikpakpa ikpōn idiok-ṅkpō, inyuñ idu uwem inō edinen ido. Nde unan Esie enam udọṅ okure mbufo (1 Peter 2:24).

Odu se ikponde ke uduak edifak owo ikan erinyaña ukpōn nnyin ye erikok ikpohidem nnyin. Ke Jesus edifiakde edi, enye eyenyuñ afak ikpohidem nnyin (Nwedi Mbon Rome 8:23). Mbem iso owo akanam idiok-ṅkpō ke iñwañ, enye ikesidọṅke, edi ke ini enye ama ọkọduọ, enye ada udọṅ ọṅ kpukpru owo. Jesus kọkọk nnyin idahemi ke Iyip Esie ke nnyin idọṅde, edi mme owo enyene ndisuk mkpa mkpa, tutu osim ini Ntañ Ndok nti ikot Abasi. Mme Anditiene-Christ emi ekenyenede erikan emi ema eke duk ke udi mbemiso nnyin eyefiak eset ye ikpohidem ubōn ke ini Jesus edidide, “Ndien eyemen nnyin emi idude uwem, emi isuhode, edok ye mmō ke ikpa-enyōn, man isobo ye Qbōn ke Enyōn: ntem ke nnyin ididu ye Qbōn ke nsinsi-nsinsi” (1 Thessalonica 4:17).

MME MBUME

1. Ke nso utọ mbiet ke Abasi okobot owo?
2. Owo okodu ebighi adaña didie ke mbiet emi?
3. Nso ikọ ke nnyin ida itiñ ibaña akpa idiok-ṅkpō owo?
4. Mme anie ekekabare edi mme anam idiok-ṅkpō oto ke idiok-ṅkpō Adam ye Eve?
5. Uwem idiok-ṅkpō abak didie ọtọṅ ke uwem owo?
6. Ke ini ewe ke Abasi ekebem iso ọñwọṅ usuñ edifak nsio ke idiok-ṅkpō?
7. Nso ikedi mbet Abasi ke abaña anam idiok-ṅkpō?
8. Ikeme didie ndinam mbet emi man ikubọ ufen?
9. Nso ke Jesus akanam ọṅ mme anam idiok-ṅkpō?
10. Nso idọṅ ke erinyaña?